

loci obviarunt; qui post maximam moram urgente bello acerrimo, terga dedere fugae; quos persecuti sunt nostri usque ad castrum, occidendo et capiendo. Die autem illa, facta est strages inimicorum non modica.

De praelio apud Sanctam Luciam commisso.

CAP. XLIV.

Volentes cives Ravennae proprias et Liviensium atque Castilloni vindicare injurias^[a], coadunato exercitu^[b] a partibus Veronae, Ferrariæ, Marchiæ atque Cerviæ, anno d. Domini MCXLV in mense Junii^[c], comitatum hostiliter intraverunt Faventinum; quibus in campum, qui nunc de Contra^[d], obviaverunt cives. Verum, quia nox jam fere aderat, bellum in alterum distulerunt^[e] diem^[f]. Media autem nocte^[g], in plebem Corleth^[h] se transtulerunt hostes; cujus campanile, Dei postposita^[i] reverentia, prostraverunt in planum. Congregato nempe exercitu maximo ex partibus Romanicæ, et eis conjuncto marchione Corrado^[j], præfati mensis die xvii, ad Sanctam Luciam^[k] venerunt. Quos ut Faventini viderunt, induerunt se loriceis^[l], sicut gigantes, et apprehendentes arma bellica, similes facti sunt leoni^[m] in operibus suis, et tanquam catuli leonum, rugientes in venatione sua; clamaveruntque ad Dominum dicentes: *Adjuvet nos*^[n] Deus salutaris^[o] noster, defensor noster. Contere Domine castra hostium hodie, sicut contrivisti castra Sisaræ et Zebæ in manu Gedeon^[p]. Da nobis fortitudinem, Domine; tabefac audaciam eorum. Adjuva nos, beate Petre, vexillifer noster. Et his dictis, atque quamplurimis jam vulneratis sagittis, omnes pro posse clamantes, cunctis tubis, orivis^[q], buccinis sonantibus^[r], hostes invadunt viriliter. Bellum gladiis geritur; clamor et stridor ad sydera tollitur; dumque Ravennates, qui erant in dextero cornu praelii, cedere viderentur, occurrit illis^[s] cum multis electis^[t] Petrus dux Ravennæ, ac totius exercitus ductor et dominus, quorum ictus cum quidam de civibus diu pati non possent, per jactum lapidis inimicis terga dedere. At ubi viderunt alios optime præliari in parte sinistra (quod est mirabile dictu) quasi ad unius visionis vocem, frontem

[a] vindicare injuria. Sic legendum est. *Judicare*, ut habent Codd. M. et V., vitiosum reputo. — [b] coadunato exercitu, C. V. In C. M., *que adunato*, mendose. — [c] in mense iunii. Sic Codd. M. et V. In C. A., *die octava iunii*. — [d] qui nunc de Contra, subintellige dicitur. — [e] distulerunt diem. In C. M., *distu distulerunt*. — [f] Dei postposita, C. M.; *deposita*, C. V. — [g] marchione Corrado. Sic Codd. — [h] induerunt se loriceis. Sic legendum; etsi C. M. habeat *induerunt se loricas*. — [i] Similes facti sunt leoni. Post vocem *leoni*, in C. M., exiguo intervallo, occurrit littera unica, quae videtur esse *O* subsignatum. — [j] adjuvet nos, C. V. In C. M., *adiuvat nos*, fortasse pro *adjuva nos*. — [k] Deus salutaris, C. M.; non salvator. — [l] in manu Gedeon, C. M. In C. V., *Gedeonis*. — [m] cunctis tubis orivis buccinis sonantibus. Orivis habere videtur C. M.; et re ipsa habet C. A.; anne pro *aureis*, vel *aeneis*? In C. M. etiam legi posset *oruris*, habetque sic C. V. An pro *oriduris*, id est, ut sonat barbara vox, *duri oris*? Cf. Mitt. in C. M. scriptum putat *orivis*, et, pro *orivis*, substituit *orgiis*. Sed non facile probabitur ab eis, qui hac voce accipiunt festa quaedam Bacchi, aut illud exclamantis signum, quod scribitur *orge*, valetque ac *urge et occide*, ut explanat Glossarium Du-Fresne et Du Cange. — [n] occurrit illis, C. M., pro *succurrit*, vel *accurrit*. — [o] cum multis electis, C. V. et el. Mitt. In C. A., *cum militibus electis*.

[A] Id est Pieve di Corleto, o Corleto, quatuor hinc milliariis, versus ortum et septentrionem.
[B] Nunc Santa Lusa, versus montes ad meridiem, quatuor hinc milliariis.